



KEMENTERIAN SAINS,  
TEKNOLOGI DAN INOVASI  
MINISTRY OF SCIENCE, TECHNOLOGY AND INNOVATION

# BENGKEL

## “KNOW YOUR RISK & WASTE BEFORE ITS TOO LATE”

### Pengurusan Risiko Tumpahan Bahan Kimia

## TUJUAN

Garis panduan ini disediakan bertujuan untuk menerangkan cara-cara atau tindakan yang perlu diambil sekiranya berlaku sebarang tumpahan bahan kimia sama ada tumpahan berskala kecil/*minor spill* ataupun tumpahan besar/*major spill*.




# Kenali Jenis tumpahan



Tumpahan kecil/minor  
*spill*

Tumpahan dengan kuantiti yang tidak menjadi ancaman segera kepada kesihatan dan tidak menyebabkan pencemaran kepada badan dan boleh dikendalikan oleh pengendali atau Pasukan ERT PTj yang terlatih. Tumpahan adalah kurang daripada 4 liter.




Tumpahan besar/major  
*spill*

Tumpahan yang memerlukan bantuan pembersihan daripada agensi lain. Keadaan berikut boleh diklasifikasikan sebagai Tumpahan Besar sekiranya berlakunya kebakaran, atau ancaman kebakaran, di luar ruang terkawal (kebuk wasap); atau terdapat kecederaan atau pendedahan yang mungkin memerlukan bantuan perubatan; atau tumpahan melibatkan bahan yang tidak diketahui atau sangat reaktif; atau terdapat pelepasan gas toksik atau gas mudah terbakar di luar ruang terkawal; atau tumpahan melebihi 4 liter.

# Tindak Balas Tumpahan

Setiap orang yang mengendalikan bahan kimia perlulah mengetahui prosedur pengurusan tumpahan kimia dan bertanggungjawab ke atas tumpahan bahan kimia yang berlaku.



Tindak balas yang perlu dilakukan jika berlakunya tumpahan adalah sebagaimana berikut :

- Menilai keselamatan dan pagar kawasan tumpahan.
- Mengenalpasti bahan kimia yang terlibat dengan merujuk SDS untuk mengetahui risiko hazard.
- Menggunakan peralatan perlindungan diri seperti sarung tangan kalis bahan kimia, pelindung mata, but dan pakaian pelindung yang sesuai.
- Membersihkan dan mengumpulkan tumpahan kimia.
- Mencuci kawasan tercemar mengikuti kaedah di dalam SDS. Elakkan sentuhan secara langsung bahan kimia.
- Mengumpul sisa nyahcemar dan PPE yang digunakan untuk pelupusan.
- Membersihkan diri dan lakukan pemantaunan.
- Membuat pemakluman kepada pihak JKKP PTj dan Pejabat OSHE.
- Mengisi semula Kit Tumpahan Kimia.

## KIT TUMPAHAN KIMIA

Setiap makmal yang menyimpan dan mengendalikan bahan kimia berbahaya hendaklah mempunyai Kit Tumpahan Kimia.

Kit Tumpahan Kimia hendaklah disemak dan diselenggara setiap bulan bagi memastikan iaanya setiap cukup dan dapat digunakan jika perlu.

Kit tersebut hendaklah dilabel, diletakkan di tempat yang mudah dicapai dan boleh digunakan pada bila-bila masa jika diperlukan.

Antara alat/bahan yang perlu ada dalam Kit Tumpahan Bahan Kimia adalah seperti berikut:

Peralatan Perlindungan Diri (PPE)

Penyerap Bahan Kimia seperti Zeolite, Vermiculite dan pad penyerap

Bahan Peneutralan Kimia.

Reagen untuk dekontaminasi seperti kalsium karbonat, natrium hidrogen karbonat (untuk tumpahan cecair yang mengakis).

Penyedok/pengaut, penyapu atau berus plastic

Beg Plastik sampah tebal dan pengikat

Tanda Amaran dan hazard Tape



# PENGURUSAN TUMPAHAN KECIL/MINOR SPILL

Kenal pasti bahaya yang terlibat dan gunakan maklumat mengenai sifat fizikal dan kimia bahan tersebut untuk menilai tindak balas.

Jika terdapat pendedahan kimia kepada pekerja, berikan pertolongan cemas yang sesuai dan hubungi Pusat Kesihatan Universiti secepat mungkin.

Elakkan menghidu wap yang terhasil dari tumpahan tersebut.

Kawal sumber tumpahan.

Kandungi tumpahan dengan penghalang (*damming*) atau gunakan bahan penyerap yang sesuai dari kit tumpahan.



Bersihkan dengan segera dan teliti. Antara prosedur pembersihan bahan kimia adalah seperti berikut:

#### Tumpahan Kimia Asid

- Bendungkan cecair terlebih dahulu.
- Neutralkan asid tersebut dengan menaburkan Natrium bikarbonat atau Natrium karbonat atau Kalsium Karbonat di atas tumpahan bermula dari luar.
- Elakkan menghidu serbuk halus atau gas.

#### Tumpahan Kimia Alkali

- Pastikan pengudaraan yang mencukupi
- Hapuskan semua sumber penyalaman, termasuk bahan mudah terbakar.
- Betulkan bekas yang terbalik atau hentikan kebocoran hanya jika selamat untuk berbuat demikian.
- Elakkan mengendalikan cecair walaupun dengan sarung tangan.
- Neutralkan bahan alkali tersebut dengan menaburkan serbuk natrium bisulphite, asid boric atau asid oxalic diatas tumpahan bermula dari luar. Jauhi diri dari tumpahan dengan secepat mungkin.
- Gunakan alat bukan logam untuk membersihkan tumpahan

## Tumpahan Kimia Pepejal

- Sapu bahan pepejal yang tertumpah ke dalam bekas plastik dan letakkan dalam bekas yang tertutup.
- Lap kawasan tumpahan dengan tuala kertas basah dan buang tuala tersebut ke dalam bekas yang tertutup.

## Tumpahan Kimia Cecair

- Letakkan pad penyerap keatas tumpahan bermula dari tepi.
- Angkat pad yang tercemar dengan pengaut dan masukkan kedalam tong yang tahan bahan kimia.
- Lap kawasan tercemar dengan tuala kertas diikuti dengan mop basah bersama sabun (jika bahan kimia larut dalam air).

## Tumpahan Kimia Cecair Mudah Terbakar

- Kawal semua sumber pencucuhan, termasuk peralatan elektrik dan haba.
- Letakkan pad penyerap keatas tumpahan bermula dari tepi.
- Angkat pad yang tercemar dengan pengaut dan masukkan ke dalam tong tahan bahan kimia.
- Lap kawasan tercemar dengan tuala kertas diikuti dengan mop basah bersama sabun (jika bahan kimia larut dalam air)

**Dekontaminasi kawasan, peralatan dan pakaian yang terjejas dan lupuskan apa-apa bahan yang tercemar dengan sewajarnya.**

## PENGURUSAN TUMPAHAN BESAR /MAJOR SPILL

Lindungi diri dan jangan sesekali menyentuh bahan yang berbahaya.

Keluar dari makmal.Tutup pintu untuk mengelakkan penyebaran pencemaran dan matikan sebarang sumber pencucuhan.

Asingkan dan kawal akses ke kawasan tumpahan. Jangan biarkan kakitangan yang tidak berkaitan memasuki kawasan tumpahan. Sediakan pita "Awas: Tumpahan Kimia"

Bunyikan penggera kecemasan. Hubungi pengurus makmal, ketua makmal atau SLO PTj dan Pejabat OSHE bagi mendapatkan bantuan kecemasan.

Jika terdapat pendedahan kimia kepada pekerja, berikan pertolongan cemas yang sesuai

Hubungi Pasukan Bomba dan Penyelamat dengan menyediakan maklumat berikut:


- Nama dan nombor telefon pelapor
- Nombor bangunan dan bilik tempat kejadian berlaku
- Nama dan jenis bahan
- Bahaya bahan yang diketahui
- Jumlah bahan tumpah
- Penjelasan mengenai apa yang berlaku
- Keadaan kakitangan yang cedera
- Status kawasan

Kurangkan penyebaran pencemaran dan mulakan prosedur pembersihan bersama dengan bantuan pakar (Bomba/ Pasukan ERT).

Setelah pembersihan selesai, tinjau kawasan tersebut.



# Chemical Incident Response - Decision Logic







Chemical Absorbent



Chemical Neutralizing Material



Plastic scoop, dust pan, broom/ brush.



Reagents for decontamination




Strong, heavy duty leak-proof waste bag



Hazardous waste labels, warning sign

# LANGKAH PEMBERSIHAN TUMPAHAN MERKURI



### Absorbent Pad Spill Kit



**BAG AND TAG  
FOR EH&S  
WASTE REMOVAL**

**PLACE A BARRIER  
AROUND THE SPILL**

**COVER COMPLETELY  
WITH APPROPRIATE  
MATERIAL**

**CLEAN UP**



**BAG AND TAG  
FOR EH&S  
WASTE REMOVAL**

### Floor Dry Spill Kit





KEMENTERIAN SAINS,  
TEKNOLOGI DAN INOVASI  
MINISTRY OF SCIENCE, TECHNOLOGY AND INNOVATION



JABATAN KIMIA MALAYSIA NEGERI JOHOR  
JALAN ABDUL SAMAD  
80100 JOHOR BAHRU  
JOHOR  
MALAYSIA

No. Telefon

No. Faks

E-mel

: (607) 2226366

: (607) 2238366

: nurzila@kimia.gov.my



Kimia Malaysia



@Kimia\_Malaysia



jabatankimiamalaysia



Jabatan Kimia Malaysia



www.kimia.gov.my